



U tempu di e rivolte....

I ma partita : U Rè è a Custituzione

Marti u 28 di ghjennaghju di u 2020

Nome :

Casata :

Puntu di storia generale

- 1725** U 6 d'aprili nascita di Pasquali Paoli
- 1729** Principiu di a rivolta naziunali corsa
- 1730** U 30 di ghjennaghju : abbottu di Bastia da i paisani
- U 22 di dicembri Ceccaldi è Giafferi sò eletti capinaziunali in Biguglia
- 1731** U 4 di marzu : adunita di dodici teòlughj corsi à u conventu d'Orezza
- 1732** Intarventu militarau austriacu
- 1735** L'8 di ghjennaghju : l'indipendenza di a Corsica hè pruclamata à a cunsulta d'Orezza
- 1736** U 14 d'aprili Tiadoru hè fattu rè di Corsica da a cunsulta di l'Alisgiani
- 1738** Intarventu francesu : prima vittoria naziunali corsa di u Borgu i 14-18 di dicembri
- 1739** I capi di a nazioni s'imbarcani pà l'esiliu à a Padulella
- 1741** L'esercitu francesu si ni vò
- 1743** Gaffori è Matra capinaziunali corsi
- 1745** I Naziunali aiutati da a marina inglese piddani à Bastia è San Fiurenzù
- 1751** Ghjuvan Petru Gaffori hè elettu Ginirali di a Nazioni
- 1753** U 2 d'uttrovi Ghj. P. Gaffori hè assassinatu à tradimentu
- 1755** Paoli hè elettu Ginirali di a nazioni u 14 di luddu
- 1757** Fini di a guerra civili. Mariu Manueddu Matra hè tombu in Boziu
- 1763** Vittoria naziunali corsa in Furiani
- 1765** Fundazioni di l'Università di Corsica
- 1767** U 31 di maghju presa di l'isula di Capraia
- 1768** U 10 d'uttrovi vittoria corsa di u Borgu : 600 prighjuneri francesi. U marchesu Chauvelin hè rimpiazzatu da u conti de Vaux à capu di l'esercitu francesu
- 1769** D'aprili 35 000 suldati francesi sbarcani in Corsica
- U 9 di maghju battaglia di Ponti Novu : disfatta di i Naziunali
- U 13 di ghjugnu Paoli s'imbarca in Purtivechju : fini di l'indipendenza di a Corsica
- 1774** Rivolta è riprissioni di u Niolu
- 1789** Rivuluzioni francesa
- 1790** U 17 di luddu ritornu di u Babbu di a Patria
- 1793** Di farraghju : fiascu di a spidizioni francesa in Sardegna
- U 27 di maghju : rumpitura di Paoli cù a Francia ; pruclama di l'indipendenza
- L'11 di ghjugnu : Napulioni è a so famidda si ni fughjini in Tulò
- 1794** U 22 di maghju : presa di Bastia ; u 4 d'austu Calvi s'arrendi à l'amirali inglesu Nelson
- U 21 di ghjugnu : cumenciu di u Regnu corsoinglesu : Sir Gilbert Elliot hè vicirè di Corsica

Di a legenda è di a storia...

Una volta di più, a pace imposta hè cuntrariata da rivolte popolare. A prima rivolta piglia radica in l'inghjustizia chì tocca un certu « Cardone » di a pieve di Boziu. Òn pò pagà « a baiocca », un supplimentu novu, è u parcitori minaccia u vechju ciancu di riprissioni. Cardone si lagna strada facendu è i paisani pigliani a so pratesa, ricusendu di pagà ancu eddi. Quarant'anni di guerra cumenciani. I cità Ghjinuvesi di a costa sò minacciati. I nutabuli, videndu ricusati i so dulienzi, pigliani u capu di a rivolta.

Intrimi ind'u ciculu :

« Upprissioni - Rivolta - Riprissioni stragnera - Partenza di a putenza chjamata da Ghjenuva - Upprissioni... ».

A Corsica hà cunisciutu à u principiu di u XVIIIu seculu un'epica di rivolta diffusa cù cumbuglii di viulenza seguitati da stonde di pace.

I Genuvesi anu da dà capu à una rivolta di l'elite è una rivolta popolare.

In verità, i Corsi chì stanu in l'isula cum'è Paoli, Giafferi, Ceccaldi o in terra ferma cum'è Sebastianu Costa, avucatu in Genova, ùn ponu micca avè accessu à funzione maiò per via di a so origine corsa. Per elli ghjè un'offesa tamanta.

Puru, u persunale ecclesiasticu corsu, qual'ellu sia u so valore, ùn pò esse fattu vescu di Corsica da a sola voluntà di i Ghjenuvesi. I preti corsi anu da esse à l'avanguardia di a lotta contr'à i genuvesi, tale u Padre Orticoni o u Padre Salvini.

I sgiò di Corsica arremanu e so rivendicazione annantu à una scuntintezza crescente popolare, i Corsi patenu tasse, umiliazione, i coloni grechi, e cuncessiò fatte à i genuvesi in piaghja, paesi marturati per avè accoltu i rivoluzionari, l'impositi nantu à i prodotti spurtati, e restrizione à u cummerciu cù l'altri stati di u cuntinente è soprattuttu a corruzione di a ghjustizia chì porta à a vindetta privata.

In u 1729, a Corsica cunosce u principiu di un statu di guerra dichjaratu da certi rappresentantidi u Cismonte chì entrenu in cuntattu cù i Corsi di u cuntinente, sia in Genuva sia in Livornu, in Venezia, in Roma, in Napuli induve elli praticheghjanu professione liberale è commerciale ma ancu a mestieru di l'arme.

Un evenimentu maiò: l'8 di ghjennaghju di u 1735, una Consula in Orezza adopa una vera costituzione elaborata da l'avucatu Costa è urganizata in autonomia : "il Regno di Corsica" nantu u fundamentu di a suvrànità di u populu è a separazione di i puteri. L'esecutivu hè incaricatu da un triumvirat di primati: Giafferi, Paoli è Ceccaldi, "uffizii" sò creati per gestisce l'affari di a Nazione.

Omu deve ramintassi chì micca tutti e pieve corse particepeghjanu à a rivolta.


Si tratta solu di u Rustinu, Boziu, Orezza, l'Ampugnani, a Tavagna, a Balagna, Corti, Muriani, u Campuloru è un pezzu di l'Ornanu sottu à a muntagna. D'altre pieve si uniscenu à a rivolta è dopu a tralascianu per colpa di certi avvenimenti, litiche trà nobili o sgiò o cambiamenti di partitu di idirigenti.

Infatti, parecchje trappule sò poste da i genuvesi è parecchji corsi sò suldati à u serviziu di Genuva; è ancu dentru à i partiti ribelli di e famiglie putente, i so seguacci sò opposti à certi capi di a rivolta.

E storie di persone è l'antagonisimi famigliari mantinuti da i capi impediscenu un'unità d'azione à u sensu largu.

A speranza di i nazionali ferma per u più in l'aiutu di a Spagna, chì ùn vene micca, malgradu a prisenza di dui anni di Andrea Ceccaldi à a Corte di Spagna è e numerose visite di u Prete Orticoni.

UNA BAIocca DI PESU



Ainsi les Corses payent un impôt supplémentaire et rendent leurs fusils. Ces mêmes fusils sont revendus en cachette par des fonctionnaires génois qui n'hésitent pas à livrer le nom des acheteurs clandestins à la police. Celle-ci confisque les armes pour les revendre de nouveau. Un seul fusil aurait été vendu jusqu'à sept fois.



En 1729 à Bustanico, un percepteur génois refuse d'accepter la pièce remise par un malheureux vieillard. L'incident soulève l'indignation des habitants de la Castagniccia. Les percepteurs sont désormais payés à coups de pied dans le...

UN VINU A SCIAPPA E PETRE



Les percepteurs battus ne sont pas contents. Ils se plaignent au Gouverneur. Le Gouverneur ordonne au lieutenant Carbuccia d'entreprendre une expédition punitive. Sous ses ordres, 200 soldats génois iront semer la terreur à Poggiu-di-Tavagno considéré comme le centre des émeutes.



Surprise ! Carbuccia est accueilli à Poggiu comme un libérateur. On l'applaudit. On le cajole. On le rassure. Et chacun de prouver son loyalisme en offrant son meilleur vin aux braves militaires. Avant que ne tombe la nuit, la plupart d'entre eux ronflent joyeusement...

U DISCITIME



Les soldats se réveillent ligotés. Leurs propres fusils sont braqués sur eux. Un certain Pompiliani a organisé le traquenard. Il prend le commandement des insurgés. L'arsenal d'Aléria est pillé. Un ancien gouverneur génois, Veneroso, essaye de parlementer. Les Corses refusent de déposer les armes. Ils en forgent d'autres.



Tucchemu tandu a strana storia di u Rè Tiadoru chì, dopu d'avè scontru à Giafferi, Ceccaldi, Aitelli, Orticoni è Costa in esiliu, sbarca in Aleria ind'u 1736 cù un battellu inglese cun fucili, cannoni è soldi.

Tiadoru di Neuhoff (25 austu 1694 - 11 dicembri 1756)

U Rè di Corsica. Era tedescu è u so nome di nascita era Theodor Stephan Freiherr von Neuhoff. Tiadoru di Neuhoff nasce in Colonia u 25 austu di u 1694, in una famiglia nobile di Westfalia. U babbu di Tiadoru era ufficiale ma si ne murì giovanu, à l'età di 34 anni. Tiadoru fù educatu à a corte di Francia è fece dopu u militarari in l'armata francesa po in l'armata svedesa. Fù inviatu dopu da u Baronu di Coertz, un ministru di u Rè Carulu XII di Sveda, in Inghilterra è in iSpagna par neguzià incù u Cardinali Alberoni. Tiadoru steti un pocu in Sveda tandu, essendu statu fattu culuneddu. Vultò dopu in Francia è visitò dopu u Portugallu, l'Olanda è l'Italia.



In Genuva, Neuhoff fece cunniscenza incù uni pochi di corsi in esiliu, è i persuadò ch'elli pudianu liberà u so paese di a tirannia di i ghjenuvesi s'è i corsi u facianu rè di l'isula. Neuhoff scalò in Corsica, in Aleria, da un batellu inglese u 20 marzu di u 1736. Neuhoff porta tandu l'arme (3000 fucili), i cannoni è i soldi, chì n'anu bisognu i corsi. Neuhoff hè accoltu da a famiglia Matra. Una cunsulta fù convucata chì accitò d'eleghje Tiadoru cum'è rè ma à a cundizione chì u statutu fussi quellu di una munarchia custituziunale. Neuhoff fù elettu tandu da l'isulani chì u fecinu dinò Rè di l'isula. Di fatti, u Baronu Tiadoru von Neuhoff fù sacratu Rè di Corsica u 15 d'aprile 1736 è li fù dicernatu u titulu di Tiadoru lu è pruclama una custituzione. Perde à pocu à pocu a cunfidenza di i capirivolta ancu s'ellu piace à u populu. Parte un ghjornu in cerca d'aiutu, lascendu à Ghjacintu Paoli è à Giafferi e rispunsabilità. Prova di vultà in u 1738 po cù l'aiutu inglese in u 1743. Fiasca ogni volta è ùn sbarcherà mai più.

A custituzione di Alisgiani :

1736, 15 aprile

In nome è à a gloria di a Santissima Trinità: Babbu, Figliolu è Spiritu Santu, di a Vergine Immaculata chì prutege stu Regnu, è di Santa Divotta A so avucata. Oghje dumenica, u 15 aprile di l'annu 1736. U Regnu di Corsica hà riunitu in una Assemblea Generale, legittimamente urdinata da a so Eccellenza u generale de Paoli è di Don Luigi Giafferi in a lucalità d'Alesani.

Dopu una longa e riflettuta discussione cù i principali patriciani di u Regnu, tutte e pupolazione anu deliberatamente decisu, cumu si decide deliberatamente di sceglie un Rè è di campà sottu à a so autorità, di pruclamà è accettà, Sgiò Tiadoru Barone Libere da Neuhoff cù i seguenti puteri è convenzioni è cundizioni, chì duveranu esse accettati da u dettu Barone chì ùn sarà micca è chì ùn puderà micca dichjarà esse Rè finu à ch'elle sianu accettate e dette cunvenzione è e cundizione è ghjuru di rispettalte firmendu di a so propria manu è autenticandu cù u so propiu segnu l'attuale scrittura chì e stipula sottu à a forma di un cuntrattu in modu ch'ellu abbia in tutta a so stabilità è esecuzione completa è puntuale.

1. Hè dunque accunsentitu è stabilitu chì u novu Sovranu è Rè di questu Regnu hè u dettu Eccellentissimu sgiò Tiadoru Barone Libere di Neuhoff, è dopu à ellu i so eredi masci ... è se ùn hè un masciu, seranu e femmine di a so discendenza, dettu chì quelli chì seranu ammessi à a Curona è à l'Autorità sò cattolichi Rumani è stanu sempre in u Regnu cum'ellu averà da reside u Barone prenumatu.

2. Chì, in assenza di una successione famigliale, u Barone sopra citatu pò, durante a so vita, designà un successore di a so parentia, masciu o femina, è ch'ellu sia cattolicu e residente in u regnu.

3. Chì, in casu di interruzione di a linea, mascile è femminile di u dettu Barone o di u so successore, chiamatu cum'è sopra, u regnu ferma liberu è i paesi anu a pussibilità di sceglie u so suvanu o di campà liberamente o cum'ella li piace.

4. Chì u rè, Sgiò Barone, è ancu i so successori, anu è ponu gode di tutte l'autorità reale è di tutti i diritti riali cù a restrizione è l'esclusione di ciò chì hè previstu in l'articuli seguenti.

5. Chì, cù stu scopu, sia stabilita è eletta in u Regnu una Dieta, cumposta da vinti quattu persone di e più distinte per u so meritu, sedeci per u Cismonte è ottu per u Pumonte. Trè persone di a stessa Dieta, duie per u Cismonte, è una per u Pumonte, devenu sempre in residenza à a Corte di u Sovranu chì ùn pò micca piglià una decisione senza l'accunsentu di a detta Dieta, sia per l'impositi sia per a guerra.

6. Chì u putere di a certa Dieta hè di fà cun u Rè tutte e disposizione chì toccanu à a guerra o e tasse è, in più, ch'elle hà a facultà di designà i posti chì li pare più adattati per l'imbarcu di i prudutti è beni, nazionali è chì hà veramente a libertà d'adunisce in tutte e circostanze in lochi o i posti chì li parenu i più assestati.

7. Chì tutte e dignità, cariche è uffizii attribuiti in u Regnu sò riservati solu à i Corsi, cù l'esclusione perpetua di qual'ellu sia u strangeru.

8. Chì, quandu u governu serà stabilitu, i Genuvesi saranu scacciati, u Regnu sarà in pace, tutte e truppe anu da esse milizie corse cù l'eccezione di a Guardia di u Rè chì puderà impegnà Corsi o stranieri secondu à u so vulè.

9. Chì, per u mumentu è fin' tantu ch'ella ci serà a guerra cù i Genuvesi, u Rè pò impegnà è aduprà truppe è milizie straniere, senza francà u numeru di 1200 ma chì puderà esse aumentatu da u Rè cù l'accunsentu di a Dieta di u Regnu.

10. Chì mancu un genovese, qual'ella sia a so qualità o u so statu, puderà residà o campà in u Regnu è chì u Rè ùn pò permette à nissunu genovese di stà in u Regnu.

11. Chì i prudutti è e merchenzie di i Naziunali, per espurtà o à trasportà da un locu à l'altu o da un portu à l'altu di u Regnu, ùn sò sottumessi à imposti o nissuna carica.

12. Chì, tutte e pruprietà di i genovesi e ribelli à a Patria di u Regnu, inclusi i Grechi, sò e fermaranu cunfiscate è sequestrate, fora di certe ragioni ch'elli puderianu pretende di manera diversa, dimostrendu u cuntrariu cù documenti. Hè capitu chì a robba d'un corsu ùn sarà cunfiscata s'ellu ùn paga nè diritti nè tassi à a Republica di Genova nè à i Genuvesi.

13. Chì a contribuzione annuale o l'impositu pagatu da i Corsi ùn deve esse di più di trè lire per capu di famiglia è chì a meza taglia generalmente pagata dae vedove è l'orfani finu à 14 anni sia pruibita; sopra à questa età elli seranu tassati cum'è l'altri.

14. Chì u sale furnitu da u Rè à u populu ùn pò micca custà più di 2 seini vale à di 13 soldi è 4 danari u baccinu chì serà di 22 libbre di pesu attuale in u Regnu.

15. Sarà erettu in u Regnu, in un locu chì deve esse sceltu da u Rè è a Dieta, un'università pubblica di scienze è arti liberali è chì serà fissata da u Rè, in cuncertazione cù a Dieta, a somma sufficiente per u mantenimentu di questa Università per via di i mezi i più adatti è ch'ella sia un'obligazione per u Rè di assicurassi chì s'università gode di tutti i privilegii di l'altre università europeane.

16. Chì un ordine di vera nobiltà per a rinumata di u Regnu è per l'onorabili Naziunali serà decisu è istituutu da u Rè.

17. Quì sò l'articuli chì, u 15 d'aprile 1736, sò stati scritti è presentati da u Regnu à u Rè, ellu li hà accunsentiti cù ghjuramentu è firma, è hè statu proclamatu è elettu à a Curona di u Regnu, à a quale si giurava di modu sulennu lealtà è ubbidienza.

Risorsa : "L'Univers: histoire et description de tous les peuples ...", 1847

Nantu à i documenti amministrativi, a Corsica hè detta "Regnu di Corsica". Tiadoru fece dopu a guerra contru à i genovesi, incù un certu successu prima. Ma fù disfattu dopu. Neuhoff chittò a Corsica di nuvembre 1736, ufficialmente per chere aiutu da u straniero. Neuhoff si stallò dopu in Olanda ma fù arrestatu quì in Amsterdam per via di i debiti ch'ellu avia. Quandu fù cappiatu Tiadoru mandò prima i so nipoti in Corsica, incù l'arme. Vultò dopu in Corsica in 1738, 1739, è 1743. Ma e forze ghjenuvese è francese occupavanu l'isula. In u 1749 Neuhoff scaleti in Inghilterra par chera aiutu, ma fù incarciaratu dinò par via di i debiti. Fubbe in una prigiò in Londra fin'à u 1755. Neuhoff murì in Londra in u 1756.

Un certu culunellu Frederick (1725-1797), chì pretindia ch'ellu era u figliolu di Tiadoru, fù cunnisciutu quant'è u Principi di Caprera. Firmava à u serviziu di u Rè Frederick II di Prussia in a so armata eppò dopu cum'è agente in Londra incù u duca di Württemberg. Frederick scrivi u racontu in francese di a vita di u so babbu, intitolatu « Memorie per cuntribui à a storia di a Corsicae, è una traduzione in inglese, chì funi publicati in Londra in u 1768.

Sebastianu Costa, u cancellieru (1682-1737):

Natu in Aiacciu. Parente di Bonaparte è alleatu di i Baciocchi. Avucatu. Autore di « Memorie Riguardanti il Re Teodore ». Membru di a diaspora Corsa di Livornu, in u 1732 hà investitu tutta a so fortuna in u trafficu d'arme per u benefiziu di i Naziunali. In u 1733, in accordu cù Padre Ascanio è u marchese Silva, manda Francèscu Rivarola è Luigi Ciavaldini in missione à a corte di Madrid. In dicembre di u 1734, cù dui di i so amichi, Lancelottu Casanova è Dumenicu Rivarola, videndu a debulezza di a rivoluzione corsa, compra 150 fucili, polvera è balle, è decide di raghjughje l'Isula. Cù i so cumpagni, è tutte l'arme, sbarca in Prunete di Campulori. Ellu si rende à Poghju Mizzana, induve Luiggi Giafferi è i so amichi s'aduniscenu à a so mossa. Di ghjennaghju di u 1735, cun Luiggi Giafferi, scontra à Ghjacintu Paoli in u Poghju Mizzana. À a Cunsulta d'Orezza, à l'iniziativa di Ghjacintu Paoli, ellu scrive a Dichjarazione di l'Indipendenza, chì sò pruposte per una Custituzione, in quindeci articuli, chì saranu vutati da i partecipanti. Decide di arruinà a torra è u paese di a Padulella, per impedisce à i Genuvesi d'impiantà una guarnigione. Di marzu, à a Cunsulta di a Casabianca, hè statu numinatu Secretariu è Primu Cunsigliere di Statu. D'aprile, decide di andà à Dilà per piglià l'affari in manu. Qui scontra à Luca D'Ornano. Li prupone piani di azione chì D'Ornano appruvò, ma ùn vuli prucedde, dicendu chì i tempi eranu di sighera. Di lugliu, chjama in Corsica à Dufour, un ufficiale di l'ingegneria francese, specialistu di artificiere è espertu in assedi. D'aostu, da Zicavu, induve si stabili, cunvocheghja tutti i sgiò di u Dilà per una Cunsulta in a chjesa di u Reverendu Padre Francèscu. À a Cunsulta di Zicavu, i Corsi di u Dilà ùn sò micca cunvinti da e so parolle. À a Cunsulta d'Ornanu, u generale Luca d'Ornano ùn hè sempre d'accunsentu cù l'iniziative militare pruposte. Di settembre, decide di lascià u Dilà, senza esse capace di risolve a situazione cù Luca d'Ornano. Di Nuvembre, lascia per u sempre Zicavu è u Dilà. Si trasloca in Ghisoni. Di dicembre, per appacià e divisione di i capimachja corsi, si ritrova in Tavagna.



Di ghjennaghju di u 1736, era in Orezza. In marzu, dopu à reunione in assemblea secreta in Matra, hè cù tutti i capimachja corsi in Aleria per accoglie Tiadoru di Neuhoff. D'aprile 1736, à a Cunsulta di l'Alisgiani, hè statu numinatu Cancelliere di u Rè, è hè statu incaricatu di scrive un testu, in pochi articuli di una Legge Fundamentale, una convenzione, chì guvernerebbe u Reame: « Capitoli convenuti tramite il Regnu di Corsica ed il Signore Teodoru Baronu Liberu di Neoff circa l'elezione del medesimu fatta in suo Sovranu ». Hè numinatu da u Rè Tiadoru Gran' Cancellieru è Guardianu di i Sigilli. Di maghju, Genuva publicheghja un testu in forma d'edittu in u quale offre di 2.000 genovine à quellu chì u piglia o l'amazza, ellu è u so figliolu Ghjiseppu. U Rè Tiodoru lu, chì stà allora in Nebbiu, u face vicerè di Corsica. Da Ornetu, riporta à u rè Tiodoru lu e difficoltà in u funziunamentu di u Regnu (gattive sighere, micca operaii...). Di Maghju, si stabilisce in u cunventu di Tavagna. A situazione hè pessima in u Regnu. Òn si batte più muneta, mancanu munizione è robba da manghjà, i rinforzi prumessi ùn venenu micca, a gelosia è a denuncia sò casticheghjanu i lochi... Scrive à u Rè Tiodoru chì i traditori si rinforzanu mentre a brava ghjente perde u so ardore. Dopu, cù u Rè, Sebastianu piglia a strada di u Fiumorbu per andà à Dilà. À u mese di nuvembre, facia parte di a seguita di u Rè, chì hà decisu di lascià a Corsica. Cù u Rè sbarcanu in Livornu è spariscentu. Di dicembre, u so capu hè torna ricercatu da l'autorità à un prezzu di 2000 genovine. In ottobre di u 1737, more in Livornu (vittima d'avvelenamentu) dopu à avè scrittu e so memorie : « Memorie Riguardanti il Rè Teodoro ».




Marc'Angelo Tusoli hè fattu cavaliere da u Rè Tiadoru.
Teodoro Primo Re di Corsica

Avendo noi piena cog[nizio]ne delle buone qualità e civile con condizione del nostro diletto Mo Marc-Angelo Tusoli, e sapendo con quanta atten[zio]ne, e fedeltà siasi egli adoperato nel publico nostro reale servizio, e volendo dargli segno del reale nostro gradim[en]to. Percio lo habiamo eletto, e creamo, eleggiamo e creamo Cavaliere volendo che goda di tutti glo honori propri di un tal grado. Ordiniamo per tanto a tutti gli ufficiali, e ministri nostri a doverlo riconoscere e [...] al cavaliere essendo tale il voler nostro. A codesta fine gli deliberiamo il presente publico reale diploma firmato di nostra mano, e munito del reale nostro sigilio.

Dato in Sartene questo di 29 xbre 1736

Contrafirmatu da Sebastiano Costa sec[retar]io Gran Can[cellie]re e guarda sigilio

U putere di u rè hè esercitatu sottu à u cuntrollu di una Dieta custituita da i "primati di u regnu". U monarcu hè assistitu direttamente da i trè generali di a Nazione eletti mentre a seconda fase di l'insurrezione - Luigi Giafferi, Giacinto Paoli, per u Cismonte è Luca d'Ornanu per u Pumonte. A ghjustizia è l'amministrazione in generale sò affidate à Sebastianu Costa, gran' cancellieru è primu secretariu di Statu. U Dipartimentu di a Guerra hè affidatu à un uffiziu, quellu di Gian Pietro Caffori è à Simone Fabiani. A guardia reale hè affidata à u capitane Antonio Francesco Giappiconi, amicu di Giafferi è Costa chì avia participatu à e discussione di Livornu di a fine di u 1734.



Reame di Corsica (1736-1738)

In u 1739 i patrioti sò stati scunfitti da e forze francese è i so dirigenti partenu in esiliu, cumpresu Ghjacintu Paoli, chì si ritirò in Napuli, pigliendu cun ellu u figliolu Pasquale di 14 anni è lascendu quì Clemente per cunduce l'affari a famiglia.

Però, e prove d'organizzazione pulitica sò riprese dopu à a partenza di e truppe francese. In l'anni seguenti omu vede una vera pruliferazione di custituzione, prucamate da e "cunsulte" in u 1743, 1745, 1746 è 1747. Ste custituzione mostranu solamente variazione minò: a funzione di u capu di Statu hè affidata à un liceu di dui. à quattu generali; sò assistiti da corpi di magistrati numinati individualmente da e "cunsulte" chì in realtà tenenu u putere cuncretu, ancu se ùn sò integrate in i sistemi di guvernu. Ogni "cunsulta" prumove un novu sistema, cù novi membri; ùn ci hè nissun mecanisimu per mudificà o rinnuvà i sistemi una volta promulgati. A so struttura hè, inoltre, rudimentaria, cù una confusione di puteri militari è ghjudiziarri, mentre ùn ci esiste autorità legislativa ricunnisciuta.

Eppuru, quandu in u 1752, à a fine di una seconda intervento francese, un altru sistema hè statu adupratu sottu à l'impulsione di u putente Generale Gaffori, ùn sò stati curretti i primi errori ma riproduti à più grande scala. U putere supremu hè affidatu à una corte chì comprende micca menu di centu trè membri chì eserciteranu u so postu per turnu: altri cunsiglii sò ancu investiti cù puteri ghjudiziarie è esecutive

Risorse bibliografiche :

- Evelyne Luciani et Dominique Taddei, Les pères fondateurs de la Nation corse (1729-1733) - Ajaccio, Albiana, 2009
- Antoine-Laurent Serpentine, Théodore de Neuhoff, Roi de Corse - Albiana, 2006
- Fernand Etori, Le Mémorial des Corse (Ouvrage collectif sous la direction de Francis Pomponi), Ajaccio, Mémorial des Corses, 1979
- Jacques Gregori, Toni Casalonga, Francescu Mattei - Histoire de la Corse en bandes dessinées - Edizione Cynos & Méditerranée
- Denis Luciani, Storia di Corsica illustrata - CRDP

Tocca à voi !

1 - Fate a scelta d'un persunagiu trà quelli da sottu è dateci infurmazione nantu à a so vita (in 15 filari) ?

Ghjuvan Petru Gaffory - Ghjacintu Paoli - Saveriu Matra - Don Luigi Giafferi - Simone Fabiani - Antonio Francesco Giappiconi -

2 - Cosa hè « Disinganno intorno alla guerra di Corsica Ovvero giustificata di Curzio Tulliano Corso ad un suo amico dimorante nell'isola » ? (15 filari)

